

何衡陽集題詞

謝晦起兵拒宋文東海何承天爲畫
計謀造表檄晦敗自歸徼恩全宥復
賦性剛褊侮慢同列天子諮訪疑義
輒戒使者善候顏色恐逢彼怒斯人
竟得老壽亦幸耳禮論三百卷久亡



不傳今所存者僅有安邊論宋書稱
爲博而且篤晉世郭欽江統疏論徒
戎顯名方策此亦其支流也曆數最
精大略微見于表奏猶恨未全雜議
出刑入禮原諸忠恕爲漢廷平或所
優乎達性論申權教析報應與顏光

祿宗居士反覆送難皆儒者中正之
言王道蕩蕩姬釋無殊何必別門建
旌劉項博戰也鼓吹饒歌十五篇造
于晉義熙時家居私撰上升樂志遂
能前抗韋昭木瓜賦心澹泊則郭璞
蚍蜉類耳仰思周天旁辨威斗當日

閱覽博物卒未或先東海云

婁東張溥題

宋何衡陽集目錄

賦

木瓜賦

表

上曆新法表

議

曆議

東滿罪議

尹嘉罪議

專代公等補兵議

孔邈名議

丁况等久喪不葬議

奏

請改漏刻奏

議公主服母奏

論

安邊論 有表

達性論

論王蕃渾天體

又

論祠武帝於建始殿

論立諸葛亮廟

論旄頭

論郊祀不設樂

又

問

報應問

書

答顏永嘉書

重答顏永嘉書

與宗居士論釋慧琳白黑論書

又答宗居士書

重答宗居士書

答江氏問

頌

上白鳩頌 有表

社頌

釋奠頌

贊

天贊

地贊

詩

鼓吹饒歌十五首

朱路篇

思悲公篇

雍離篇

戰城南篇

巫山高篇

上陵者篇

將進酒篇

羣馬篇

芳樹篇

有所思篇

雉子遊原澤篇

上邪篇

臨高臺篇

遠期篇

石流篇


附錄

本傳

何德陽集

目錄

四



國家圖書館, NATIONAL CENTRAL LIBRARY, TAIWAN, R.O.C.

宋何衡陽集

宋 東海何承天 著

明 太倉張溥 閱

賦

木瓜賦

美中州之嘉樹，表閒冶之麗姿。結靈根以誕秀，傾朝日以揚輝。擢叢柯之冉冉，布翠葉而旎葳。惟茲木之在林，亦超類而獨劭。方朝華而繁實，比沙棠而有耀。當大厦之方隆，愧惟榦之纖撓。

傳。隱。樸。以。幸。全。固。呈。才。而。不。效。離。用。衆。而。獲。寧。
永。端。已。以。勵。操。願。佳。人。之。子。投。思。同。歸。以。託。好。
顧。衛。風。之。攸。珍。雖。瓊。琚。而。匪。報。

表

上曆新法表

臣授性頑惰，少所關解。自管幼年，頗好曆數，耽情注意，迄於白首。臣亾舅故秘書監徐廣素善其事，有既往七曜曆，每記其得失。自太和至泰元之末，四十許年。臣因比歲考按，至今又四十載，故其疎密差會，皆可知也。夫圓極常動，七曜運行，離合去來，雖有定勢，以新故相涉，自然有毫末之差。連日累歲，積微成著，是以虞書著欽

若之典。周易明治曆之訓。言當順天以求合。非爲合以驗天也。漢代雜候清臺以昏明中星。課日所在。雖不可見。月盈則蝕。必當其衝。以月推日。則躔次可知焉。捨易而不爲役心於難事。此臣所不解也。堯典云日永星火。以正仲夏。今季夏則火中。又宵中星虛。以殷仲秋。今季秋則虛中。爾率二千七百餘年。以中星檢之。所差二十七八度。則堯冬令至日。在須女十度左右也。漢之太初曆。冬至在牽牛初。後漢四分。及魏景初

法。同在斗三十一。臣以月蝕檢之。則景初今之冬至。應在斗十七。又史官受詔。以土圭測景。考按二至。差三日有餘。從來積歲。及交州所上。檢其增減。亦相符驗。然則今之二至。非天之二至也。天之南日。在斗十三四矣。此則十九年七閏。數微多差。復改法易章。則用筭滋繁。宜當隨時遷革。以取其合。案後漢志。春分日長。秋分日短。差過半刻。尋二分在二至之間。而有長短。因識春分近夏至。故長。秋分近冬至。故短也。楊偉不

悟卽用之上曆表云自古及今凡諸曆數皆未能竝已之妙何此不曉亦何以云是故臣更建元嘉曆以六百八爲一紀半之爲度法七十五爲室分以建寅之月爲歲首雨水爲氣初以諸法閏餘一之歲爲章首冬至從上三日五時日之所在移舊四度又月有遲疾合朔月蝕不在朔望亦非曆意也故元嘉皆以盈縮定其小餘以正朔望之日伏惟陛下允迪聖哲先天不違勤勞庶政實亮鴻業究淵思於往籍揆妙旨於未聞窮神知化罔不該覽是以愚臣欣遇盛明効其管穴伏願以臣所上元嘉法下史官考其疏密若謬有可採庶或補正以備萬分

議

曆議

夫曆數之術。若心所不達。雖復通人前識。無救其爲蔽也。是以多曆年歲。未能有定。四分於天。出三百年而盈一日。積代不悟。徒云建曆之本。必先立元。假言讖緯。遂關治亂。此之爲蔽。亦已甚矣。劉歆三統法。尤復疏闊。方於四分。六千餘年。又益一日。揚雄心。惑其說。采爲太玄。班固謂之最密。著於漢志。司彪因曰。自太初元年始用。

三統曆施行百有餘年。曾不憶劉歆之生。不逮太初二三君子言曆。幾乎不知而妄言歟。

陳滿罪議

獄貴情斷。疑則從輕。咎驚漢文帝乘輿馬者。張釋之劾以犯蹕。罪止罰金。何者。明其無心於驚馬也。故不以乘輿之重。加以異制。今滿意在射鳥。非有心於中人。按律過誤傷人三歲刑。况不傷乎。微罰可也。

尹嘉罪議

被府宣令。普議尹嘉大辟事。稱法吏葛膝。籤毋告子不孝。欲殺者許之。法云。謂違犯教令。敬恭有虧。父母欲殺。皆許之。其所告。惟取信於所求。而許之。謹尋事原心。嘉毋辭。自求質錢。爲子還責。嘉雖虧犯教義。而熊無請殺之辭。熊求所以生之。而今殺之。非隨所求之謂。始以不孝爲劾。終於和賣結刑。倚旁兩端。毋子俱罪。膝籤法文。爲非其條。嘉所存者大。理在難申。但明教爰發。矜其愚蔽。夫明德慎罰。文王所以恤下。議獄緩

死中孚所以垂化。言情則母爲子隱。語敬則禮所不及。今捨乞宥之評。依請殺之條。責敬恭之節。於饑寒之隸。誠非罰疑從輕。寧失有罪之謂也。愚以謂降嘉之死。以普春澤之恩。赦態之愆。以明子隱之宜。則蒲亭雖陋。可比德於盛明。豚魚微物。不獨遺於今化。

薄代公等補兵議

尋刳制同籍期親補兵。大功不在例。婦人三從。旣嫁從夫。夫死從子。今道舉爲刳。若其叔尚存。

制應補讎。妻子營居。固其宜也。但爲刳之時。叔父已沒。代公道生竝是從弟。大功之親。不合補讎。今若以叔母爲期親。令代公隨母補兵。旣違大功不讎之制。又失婦人三從之道。繇於主者守期親之文。不辨男女之異。遠嫌畏負。以生疑懼。非聖朝恤刑之旨。謂代公等母子竝宜見原。孔邈名議

旣沒之名。不合奏者。非有它義。正嫌於近。不祥爾。奏事一卻。動經歲時。盛明之世事。從簡易曲。

嫌細忌。皆應蕩除。

丁况等久喪不葬議

禮所云還葬。當謂荒儉一時。故許其稱才而不求備。丁况三家。數年中葬。輒無棺槨。實繇淺情薄恩。同於禽獸者爾。竊以爲丁寶等同伍積年。未嘗勸之以義。繩之以法。十六年冬。旣無親科。又申明舊制。有何嚴切。歛然相糾。或錄鄰曲分爭。以興此言。如聞在東諸處。比例旣多。江西淮北。尤爲不少。若但隨此三人。始無整肅。開其一

端。則互相恐動。里伍縣司。競爲姦利財。賂旣逞。獄訟必繁。懼虧聖明。亨鮮之美。臣愚謂况等三家。且可勿問。因此附定制旨。若民人葬不如法。同伍當卽糾言。三年除服之後。不得追相告列。於事爲宜。

奏

請改漏刻奏

上尚書。今既改用元嘉曆。刻漏與先不同。宜應改革。按景初曆。春分日長。秋分日短。相承所用。漏刻。冬至後晝漏率長於冬至前。且長短增減。進退無漸。非唯先法不精。亦各傳寫謬誤。今二至二分。各據其正。則至之前後。無復差異。更增損舊刻。參以晷影。刪定爲經。改用二十五箭。請臺勒漏郎。將考驗施用。

議公主服母奏

元嘉二十三年白衣領御史中丞何承天奏詔叔敬白衣領職餘如奏

尚書刺海鹽公主所生母蔣美人喪。海鹽公主先離婚，今應成服。撰儀注參詳，宜下二學禮官博士議。公主所服輕重，太學博士顧雅議。今既咸用士禮，便宜同齋衰削杖布帶踈履。期禮畢，心喪三年。博士周野王議又云：今諸王公主咸用士禮，譙王衡陽王爲所生太妃，皆居重服，則公主情禮亦宜。家中期服爲允。其博士度邃之

顏測殷明王淵之四人同雅議。何恢羅雲二人同野王議。如所上臺案。今之諸王雖行士禮，是施於傍親。及自己以下，至於爲帝王所厭，猶一依古典。又永初三年九月，符修議亾。廣德三王以餘尊所厭，猶服大功。海鹽公主體目宸極，當上厭至尊，豈得遂服臺據。經傳正文，并引事例。依源責失，而博士顧雅周野王等，捍不肯怙，方稱自有宋以來，皇子蕃王皆無厭降。同之士禮著於故事，總功之服不廢於末戚。顧獨貶於所

生是申其所輕。奪其所重。奪其所重。豈緣情之謂。臺伏尋聖朝受終於晉。凡所施行。莫不上稽禮文。兼用晉事。又太元中。晉恭帝時爲皇子。服其所生陳氏。練冠縑緣。此則前代施行故事。謹依禮文者也。又廣德三公主。爲所生母符修儀。服大功。此先君餘尊之所廢者也。元嘉十三年。第七皇子不服曹婕妤。止於麻衣。此厭乎至尊者也。博士旣不據古。又不依今。背違施行。見事而多作浮辭自衛。乃云五帝之時。三王之季。又

言長子去斬衰。除禫杖。皆是古禮。不少今世。博士雖復引此諸條。無救於失。又詰臺云。蕃國得遂其私情。此義出何經記。臣案南譙衡陽太妃。竝受朝命。爲國小君。是以二王得遂其服。豈可爲美人比例。尋蕃王得遂者。聖朝之所許也。皇子公主。不得申者。繇有厭而然也。臺發重更責失制。不得過十日。而復不訓答。旣被催攝。二三日。甫輪怙辭。雖理屈事窮。猶聞義恥。服臣聞喪紀有制。禮之大經。降殺攸宜。家國舊典。古之諸

侯。衆子猶以尊厭。况在王室。而欲同之士庶。此之僻謬。不俟言而顯。太常統寺。曾不研却。所謂同乎失者。亦未得之。宜加裁正。弘明國典。謹案太學博士顧雅。國子助教周野王。博士王羅雲。顏測。殷明。何憺。王淵之。前博士遷員外散騎侍郎庾邃之等。咸蒙抽籥。備位前疑。既不謹守舊文。又不審據前准。遂上背經典。下違故事。率意妄作。自造禮章。太常臣叔敬。位居宗伯。問禮所司。騰述往反。了無研却。混同茲失。亦宜及咎。請

以見事竝免。今所居官。解野王領國子助教。雅野王初立議乖舛。中執捍愆失。未違十日之限。雖起一事。合成三愆。羅雲掌押捍失。三人加禁。固五年。

論

上安邊論

有表

伏見北藩上事，虜犯青兗，天慈降鑑，矜此黎元，博逮羣策，經綸戎政。臣以愚陋，預聞訪及，竊尋獫狁告難，爰自上古，有周之盛，南仲出車，漢氏方隆，衛霍宣力，雖飲馬瀚海，楊旌祁連，事難役繁，天下騷動，委輿負海，費及舟車，凶狡倔強，未肯受弱，得失報復，參相補。宣帝末年，值其乖亂，推亾固存，始獲稽服，自晉喪中原，戎狄侵擾，

百餘年間未暇以北虜爲念。大宋啟胙。兩耀靈武。而懷德畏威。用自款納。陛下臨御以來。羈縻遵養。十餘年中。貢譯不絕。去歲三王出鎮。思遠振圖。獸心易駭。遂生猜懼。背違信約。深構攜隙。貪禍恣毒。無因自反。恐烽燧之警。必自此始。臣素庸懦才。不經武。率其管窺。謹撰安邊論。意極淺末。懼無可採。若得詢之朝列。辨覈同異。庶或開引羣慮。研盡衆謀。短長畢陳。當否可見。漢世言備匈奴之策。不過二科。武夫盡征伐之

謀。儒生講和親之約。課其所言。互有遠志。加塞漠之外。胡敵掣肘。必未能摧鋒引日。規自開張。當繇往年冀土之民。附化者衆。二州臨境。三王出藩。經略旣張。宏圖將舉。士女延望。華夷慕義。故昧於小利。且自矜侈。外示餘力。內堅僞衆。今若務存遵養。許其自新。雖未可羈。至北闕猶足鎮靜邊境。然和親事重。當盡廟筭。誠非愚短。所能究言。若追蹤衛霍。瀚海之志。時事不等。致功亦殊。寇雖習戰。未久。又全據燕趙。跨帶秦魏。山

河之險。終古如一。自非大田淮泗。內實青徐。使民有贏儲。野有積穀。然後分命方召。總率虎旅。精卒十萬。使一舉盪夷。則不足稍勤王師。以勞天下。何以言之。今遣黎習亂志。在偷安。非皆恥爲左袵。遠慕寇冕。徒以殘害剝辱。視息無寄。故繯負歸國。先後相尋。虜旣不能技勝。循理攻城。略地而輕兵掩襲。急在驅殘。是其所以速怨。召禍滅亾之日。今若遣兵追討。報其侵暴。大翦幽冀。屠城破邑。則聖朝愛育黎元。方濟之以道。若

但欲撫其歸附。伐罪弔民。則駿馬奔蹇。不肯來征。徒興巨費。無損於彼。復竒兵深入。殺敵破軍。苟陵患未盡。則困獸思鬪。報復之役。將遂無已。斯秦漢之末策。輪臺之所悔也。安邊固守。於計爲長。臣以安邊之計。備在史策。李牧言其端。嚴尤申其要。大略舉矣。曹孫之霸。才均智敵。江淮之間。不居各數百里。魏捨合肥。退保新城。江陵多民南矣。濡須之戍。家停羨溪。及夷陵之屯。民夷散雜。晉宣王以爲宜。從汚南以北岸。曹爽不

許果亾相中。此皆前代之殷鑒也。何者。斥堠之郊。非畜牧之地。非耕桑之邑。故堅壁清野。以俟其來。整甲繕兵。以乘其敝。雖時有古今。勢有強弱。保民全境。不出此塗。要而歸之。有四。一曰移遠就近。二曰浚復城隍。三曰纂偶車牛。四曰計丁課徒。良守疆。其田土。驍帥振其風略。蒐獵宣其號令。蠶豆訓其廉耻。縣爵以縻之。設禁以威之。徭稅有程。寬猛相濟。比及十載。民知義方。然後簡將授奇。揚旌雲朔。風卷河冀。雷埽嵩恒。燕

弧折郤代。馬摧足秦。首斬其右臂。吳蹄絕其左肩。銘功於燕然之阿。饗徒於金微之曲。寇雖亂亾。有微昧弱。易取。若天時人事。或未盡符。抑銳俟機。宜審其筭。若邊戍未增。星居布野。勤惰異教。貧富殊資。疆場之民。多懷彼此。虜在去就。不根本業。難可驅率。易在振蕩。又狡虜之性。食肉衣皮。以馳騁爲儀容。以游獵爲南畝。非有車輿之安。宮室之衛。櫛風沐雨。不以爲勞。露宿草寢。維其常性。勝則競利。敗不羞走。彼來或驟。而此

已奔疲。且今春踰濟。旣獲其利。乘勝怙狀。未虞天誅。比及秋末。容更送死。姦騎蟻聚。輕兵鳥集。竝踐禾稼。焚蕪閭井。雖邊將多略。未審何以禦之。若盛師連屯。廢農必衆。馳車奔驛。起役必遲。散金行賞。損費必大。換土客戍。怨曠必繁。就若因民所居。竝修農戰。無動衆之勞。有扞衛之實。其爲利害優劣。相縣也。一日移近就遠。以實內地。今青兗舊民。冀州新附。在界首者二萬家。此寇之資也。今悉河內徙青州。民移東萊平昌北。

海諸郡。太山以南。南至下邳。左沐右沂。田良野沃。西阻蘭陵。北阨大嶧。四塞之內。其號險固。民性重遷。闢於圖始。無虜之時。喜生咨怨。今新被鈔掠。餘懼未息。若曉示安危。居以樂土。宜其歌拚就路。視遷如歸。二曰浚復城隍。以增阻防。舊秋冬收斂。民人入保。所以警備暴客。使防衛有素也。古之城池。處處皆有。今雖頽毀。猶可修治。粗計戶數。量其所容。新徙之家。悉箸城內。假其經用。爲之間伍。納稼築塲。還在一處。婦子守家。

長吏爲師。丁夫正婦。春夏佃牧。寇至之時。一城千室。堪戰之士。不下二千。其餘羸弱。猶能登陴鼓噪。十則圍之。兵家舊說。戰士二千。足抗羣虜三萬矣。三日纂偶車牛。以飾戎械。計千家之資。不下五百耦牛爲車。五百兩參合鉤連。以衛其衆。設使城不可固。平行趨險。賊所不能干。旣已族居易。可撿括號令。先明民知。夙戒有急。徵發信宿可聚。四日計丁課仗。勿使有闕。千家之邑。戰士二千。隨其便能。各自有仗。素所服習。銘刻

繇已。還保輸之於庫。出行請以自衛。弓榦利鐵。民不辦得者。官以漸充之。數年之內。軍用粗備矣。臣聞軍國異容。施於封畿之內。兵農並修。在於疆場之表。攻守之宜。皆因其習。任其勇怯。山陵川陸之形。寒暑溫涼之氣。各繇本性。易則害生。是故戍申作師。遠屯清濟。功費旣重。詹怨亦深。以臣料之。未若卽用彼衆之易也。管子治齊。寄令在民。商君爲秦。設以耕戰。終申威定。霸行其志業。非苟任強。實繇有數。梁用走卒。其邦自

作復陽集 卷之九
滅齊用技擊。厥衆亦離。漢魏以來。茲制漸絕。蒐田非復先王之禮。治兵徒逞耳目之欲。有急之日。民不知戰。至乃廣延賞募。奉以厚秩。發遽奔救。天下騷然。方伯刺史拱手坐聽。自無經略。唯望朝廷遣軍。此皆忘戰之害。不教之失也。今移民實內浚。治城隍。族居聚處。課其騎射。長吏簡試。差品能不甲科。上第漸就優別。明其勲才。表言州郡。如此則屯部有常。不遷其業。內護老弱。外通官塗。則曹素定。同憂等樂。情由習親。蓋因

事著。晝戰見貌。足相識。夜戰聳聲。足相救。斯教戰之一隅。先哲之遺術。論者必以古城荒毀。難可修復。今不謂頓便加功。整麗如舊。但欲先定民營。其間術墉壑存者。因而卽之。其有毀缺。權時柵斷。足以禦彼輕兵。防遏游騎。假以方將。漸就只立。車牛之賦。課仗之宜。攻守所資。軍國之要。今因民所利。導而率之。耕農之器。爲府庫之寶。田蠶之氓。兼城之用。千家總倍。旅之兵。萬戶具全軍之衆。兵強而敵不戒。國富而民不勞。比

於優復隊伍坐食廩糧者不可同年而較矣。今承平未久邊令弛縱弓箠利鐵既不都斷往歲棄甲垂二十年課其所住理應消壞謂宜申明舊科嚴加禁塞諸商賈往來幢隊挾藏者皆以軍法治之又盼上嚴立關候杜廢開蹊城保之境諸所課仗竝加雕鐫別造程式若有遺鏃亡刃及私爲竊盜者皆可立驗於事爲長又鉅野湖澤廣大南通洙泗北連青齊有舊縣城正在澤內宜立式修復舊堵利其埭澗給輕艦百艘寇若入境引艦出戰左右隨宜應接據其師津毀其航漕此以利制車運我所長亦微微敵之要也。

達性論

夫兩儀旣位帝王參之宇中莫尊焉天以陰陽分地以剛柔用人以仁義立人非天地不生天地非人不靈三材同體相須而成者也故能稟氣清和神明特達情綜古今制周萬物妙思窮幽蹟制作侔造化歸仁與能是爲君長撫養黎

元、助天宣德、日月淑清、四靈來格、祥風協律、玉燭揚輝、九穀芻拳、陸產水育、酸醎百品、備其膳產、棟宇舟車、銷金合土、絲紵玄黃、供其器服、文以禮度、娛以八音、庇物殖生、罔不備設、夫民用儉則易足、易足則力有餘、力有餘則志情泰、樂治之心、於是生焉、事簡則不擾、不擾則神明靈、神明靈則謀慮審、濟治之務、於是成焉、故天地以儉素訓民、乾坤以易簡示人、所以訓示慇懃、若此之篤也、安得與夫飛沈蠖蠕、竝爲衆生哉。

若夫衆生者、取之有時、用之有道、行火俟風暴、畋漁候豺獺、所以順天時也、大夫不麝卵、庶人不數罟、行葦作歌、膏魚垂化、所以愛人用也、庖厨不邇、五犯是翼、殷后改祀、孔鈞不綱、所以明仁道也、至於生必有死、形斃神散、猶春榮秋落、四時代換、奚有於更受形哉、詩云、愷悌君子、求福不回、言弘道之在已也、三后在天、言精靈之升遐也、若乃內懷嗜欲、外憚權教、慮深方生、施而望報、在昔先師、未之或言、余固不敏、罔知請

何復陽集 卷全
事焉矣

論王蕃渾天體

詳尋前說，因觀渾儀，研求其意，有以悟天形。正員而水周，其下言四方者，東暘谷日之所出，西至濛汜，日之所入。莊子又云：北溟之魚化而爲鳥，將徙於南溟，斯亦古之遺記。四方皆水，證也。四方皆水，謂之四海，凡五行相生於金，是故百川發源皆自山出，繇高趣下，歸於注海。日爲陽精，光耀炎熾，一夜入水，所經焦竭，百川歸注，足於補復，故旱不爲減，浸不爲益。徑天之數，蕃說近之。

又

周天三百六十五度，三百四分之七十五，天常西轉一日一夜，過周一度，南北二極相去一百一十六度，三百四分度之六十五，彊卽天經也。黃道袤帶赤道，春分交於奎七度，秋分交於軫十五度，冬至斗十四度半，夏至井十六度半，從北極扶天而南五十五度，彊則居天四維之

中最高處也。即天頂也。其下則地中也。

論祠武帝於建始殿

魏文帝黃初二年六月以洛京宗廟未成。乃祠武帝於建始殿。親執饋奠如家人禮。

案禮將營宮室宗廟為先。庶人無廟。故祭於寢。帝者行之其禮甚矣。

論立諸葛亮廟

劉禪景耀六年詔為丞相諸葛亮立廟於南門外。先是所居各請立廟。不許。百姓遂以祭之。而言事者或以為可立於京師。故從人意。皆不許。帝兵校討習隆中。

書侍即向允等言於禪曰。昔周人懷邵伯之美。甘棠為之不伐。越王思范蠡之功。鑄金以存其象。自漢興以來。小善小德而圖形立廟者多矣。况亮德範遐邇。勳蓋季世。與王室之不壞。實斯人是賴。而烝嘗止於私門。廟象闕而莫立。百姓巷祭。戎袁野祀。非所以存德念功。述追在昔也。今若畫從人心。則賣而無典。建之京師。又逼宗廟。此聖懷所以推疑也。愚以為宜因述其墓。立之於沔陽。使所屬以時賜祭。凡其故臣欲奉祠者。皆限至廟。斷其私祀。以崇正禮。於事從之。

周禮凡有功者祭於大烝。故後代遵之以元勳。

配饗允等曾不是式。禪又從之。竝非禮也。

論旄頭

何復陽集 卷全
戰國竝爭。師旅數出。懸烏之設。務察風稜。宜是秦矣。

論郊祀不設樂

世咸傳吳朝無雅樂。案孫皓迎父喪明陵。唯云倡伎晝夜不息。則無金石登歌可知矣。

又

或云今之神絃。孫氏以爲宗廟登歌也。

問

報應問

西方說報應。其枝末雖明。而卽本常昧。其言奢而寡要。其譬迂而無徵。乖背五經。故見棄於先聖。誘掖近情。故得信於季俗。夫欲知日月之行。故假察於璇璣。將申幽冥之信。宜取符於見事。故鑑燧懸而水火降。雨宿離而風雲作。斯皆遠繇近驗。幽以顯著者也。夫鵝之爲禽。浮清池。咀春草。衆生蠢動。弗之犯也。而庖人執焉。豈有得

免刀俎者。燕飜翔求食。唯飛蟲是甘。而人皆愛之。雖巢幕而不懼。非直鵝燕也。羣生萬有。往往如之。是知殺生者無惡報。爲福者無善應。所以爲訓者如彼。所以示世者如此。余甚感之。若謂燕非蟲。不甘。故罪所不及。民食芻豢。奚獨嬰辜。若謂禽豕無知。而人識經教。斯則未有經教之時。畋漁網罟亦無罪也。無故以科法入中國。乃所以爲民陷罪也。彼仁人者。豈其然哉。故余謂佛經但是假設。權教勸人爲善耳。無關實叙。是以聖人作制。推德翳物。我將我享。寔膺天祐。固獲三品。賓庖豫焉。若乃見生不忍。歿聞聲不食肉。固君子之所務也。竊願高明。更加三思。

書

答顏永嘉書

南藏作
顏光祿

敬覽芳訊、研復淵旨、區別三才、步驗精粹、宣演
道心、褒賞施士、貫綜幽明、推誠及物、行之於已
則美、敷之於教、則弘、殆無所聞、退尋嘉誨之來、
將欲令參觀斗極、復迷反逕、思或昧然、未全曉
洽、故復重伸本懷、足下所謂共成三才者、是必
合德之稱、上哲之人、亦何爲其然、夫立人之道、
取諸仁義、惻隱爲仁者之表、耻惡爲義心之端、

牛山之木。剪性於鑿斧。恬漠之想。汨慮於利害。誠宜滋其萌蘖。援其善心。遂乃存而不算。得無過與。又云。議三才者。無取於珉隸。言衆生者。亦何濫於聖智。既已聞命。獨未知二塗。當以何爲。判將伊顏下麗。寧喬札上附。企望不倦。以祛未了。必令兩籍俱舉。宮和符合。豈不盡善。又曰。大德日生。有萬之所同。同於所方。萬豈得生之可異。非謂不然。人生雖均。被大德。不可謂之衆生。譬聖人雖同稟五常。不可謂之衆人。奚取於不。

異。之。生。必。宜。爲。衆。哉。來。告。云。人。則。役。物。以。爲。養。物。則。見。役。以。養。人。大。判。如。此。便。是。顧。同。圖。議。至。於。情。嗜。不。禁。害。生。慘。物。所。謂。甚。者。泰。者。聖。人。固。已。去。之。又。云。以。道。爲。心。者。或。不。劑。此。而。止。請。問。不。止。者。將。自。已。不。殺。邪。令。受。教。咸。同。邪。若。自。已。不。殺。取。足。市。鄆。故。是。遠。庖。厨。意。必。欲。推。之。於。編。戶。吾。見。雅。論。之。不。可。立。矣。又。云。若。同。草。木。便。當。煙。盡。精。靈。在。天。將。何。憑。以。立。夫。神。魄。惚。恍。游。魂。爲。變。發。揚。悽。愴。亦。於。何。不。之。仲。由。屈。於。知。歟。賜。

也失於所問。不更受形。前論之所明言。所憑之方。請附夫子之對。及施報之道。必然之符。當謂于氏高門。俟積善之慶。博陽不伐。膺公侯之祚。何關於後身乎。又云。經世恒談。施者勿憶。士子服義。惠而弗有。誠哉斯言。微恨設報。以要惠說。徒之所先。悅報而爲惠。舉世之常務。疑經受累。劫之罪。勤施獲積。倍之報。不似吾黨之爲道者。是以怏怏耳。知欲引之上濟。亦甚所不惜。但吏夫處實者。頗陋前識之華。故不爲也。若此施非

周急。惠存功譽。揆諸高明。亦有耻乎。此吾率其恒心。久而不化。內慚。璩予未暇有所謂也。何承天白。

重答顏永嘉書

吾少信管見。老而彌篤。旣言之難。云將湮腐方寸。故願憑流颺。以託鱗。融厚故意。垂懷惠。以重釋。稽證周明。華辭博瞻。夫良玉時玷。賤夫指其瑕。望舒抱魂。野人睨其缺。豈伊好辯。未獲云已。復進請益之問。庶以研盡所滯。來告云。三才之

論故當本諸三畫。三畫既陳，中稱君德，所以神致太上，崇一元首。若如論旨，以三畫爲三才，則初擬地爻三議天位，然而遯世無悶，非厚載之目。君子乾乾，非蒼蒼之稱果。兩儀罔託，亦何取於立人。但爻在中和，宜應蓄德耳。又云惻隱窮博愛之量，耻惡盡祐直之方，則爲上仁上義，便是計體仁義者爲三才。尋又云喬札未獲上附，伊顏宜其下麗，則黃裳之人，其猶弗及。雖隤之旨，高下無准，故惑者未悟也。夫陰陽陶氣剛柔

賦性圓首方足，容貌匪殊，惻隱耻惡，悠悠皆是。但參體二儀，必舉仁義爲端，取知欲限以各器。慎其所假，遂令惠人潔士，比性於毛羣，庶幾之賢同氣於介族，立象之意，豈其然哉。又云已均被同，衆復何諱。衆同故當殊，其特靈不應異，其得生。夫特靈之神，既異於衆，得生之理，何嘗暫同。生本於理，而理異焉，同衆之生，名將安附。若執此生名，必使從衆，則混成之物，亦將在例邪。又云謹爲垣防，猶患踰盜，况乃罔不設備，以充

侈志方開所泰何議去甚足下始云皇聖設候物之教謹順時之經將以反漸息泰今復以方開所泰爲難未詳此將難鄙議將譏聖人也又云市庖之外豈無御養神農所書中散所述何必以刳剝爲稟和爛淪爲翼善夫裡瘞繭粟宗社三牲曉腳豆俎以供賓客七十之老俟肉而飽豈得唯陳列草石取備上藥而已吾所憂不立者非謂洪論難持退嫌此事不可頓去於世耳又云天下寧有無形之有顧此惟疑宜見正

定尋來旨似不嫌有鬼當謂鬼宜有質得無求天竺之書說鬼別爲生類故邪昔人以鬼神爲教乃剗于典經布在方策鄭僑吳札亦以爲然是以雲和六變實降天神龍門九成人鬼或格足下雅秉周禮近忽此義方詰無形之有爲支離之辯乎又云後身著戒可不敬與慈護之人深見此數未詳所謂慈護者誰氏之子若據外書報應之說皆吾所謂權教者耳凡講求至理曾不析以聖言多採譎怪以相扶翼得無似以

水濟水邪。又云物無妄然。必以類感。常善以救。善亦從之。勢猶影表。不慮自來。斯言果然。則類感之物。輕重必侔。影表之勢。修矩有度。制飾土木。不發慈愍之心。順時蒐守。未根慘虐之性。天宮華樂。焉賞而上升。地獄幽苦。奚罰而淪陷。唱言窮軒。輕立法無衡石。一至於此。且阿保傳愛。慎及溷腴。良庖提刀。情怵介族。彼聖人者。明竝日月。化關三統。若令報應必符。亦何妨於教。而緘扁義。唐之紀埋。閉周孔之世。肇結網罟。興累

億之罪。仍制牲牢。開長夜之罰。遺彼天厨。甘此芻豢。曾無拯溺之仁。橫成納隍之酷。其爲不然。宜簡淵慮。若謂窮神之知。猶有所不盡。雖高情愛奇想。亦未至於侮聖也。足下論仁義。則云情之者少。利之者多。言施惠則許其邊賢忘報。在情旣少。孰能邊賢。利之者多。曷云忘報。若能推樂施之士。以期欲仁之疇。演忘報之意。引向義之心。則義寔在斯。求仁不遠。至於濟有生之類。入無處之地。慶周兆物。尊冠百神。斯旨宏誕。非

本論所及。無乃秦師將遁。行人言肆乎。豈其相迫。居吾語子。聖人在上。不與百神爭長。有始有卒。焉得無歿之地。夫辯章幽明。研精庶物。反初結繩。終繁文教。性以道率。故絕親譽之名。範圍造化。無傷博愛之量。以畋以漁。養兼賢鄙。三品之獲。實充賓庖。金石發華。笙簧協節。醉酒飽德。介茲萬年。處者弘日親之業。仕者數先王之教。誠著明君澤被萬年。龍章表觀。鳴玉節趨。斯亦堯孔之樂地也。及其不遇。考槃阿澗。以善其身。殺鷄爲黍。聊寄懷抱。或負鼎割烹。揚隆名於長世。或屠羊鼓刀。陵高志於浮雲。此又君子之處心也。何必陋積善之延祚。希無驗於來世。生皆當年之真懽。徒疲役而靡歸。繫風捕影。非中庸之美。慕夷眩妖。違通人之致。蹲膜揖讓。終不竝立。竊願吾子捨兼而遵一也。及蜀梁二叔甘人驛胥之譬。非本義所繼。故不復具云。

與宗居士論釋慧琳白黑論書

卽均善論

近得賢從中郎書。說足下勤西方法事。賢者志

其大豈以萬劫爲奢。但恨短生無以測冥靈耳。冶城慧琳道人作白黑論。乃爲衆僧所排擯。賴蒙值明主善救。得免波羅夷耳。旣作比丘。乃不應明此。白徒亦何爲不言。足下試尋二家。誰爲長者。吾若昧然。望有以佳悟。何承天白。

又答宗居士書

晉何承天
下常有白字

何承天前送均善論。并諮求雅旨。來答周至。及以爲茲理與喪宜明。不可但處以可否之間。吾雖不能一切依附。亦不甚執偏見。但求夜光於

巨海。正自未得耳。以爲佛經者善。九流之別家。雜以道墨。慈悲愛施。與中國不異。大人君子。仁爲已。任心無憶念。且以形像彩飾。將諧常人耳。目其爲糜損。尚微其所弘益。或著是以兼而存之。至于好事者。遂以爲超孔越老。唯此爲寶。斯未能求立言之本。而眩惑於末說者也。知其言者。當俟忘言之人。若唯取信天堂地獄之應。因緣不滅之驗。抑情菲食。盡勸禮拜。庶幾廕羅帳之蓋。升彌鐙之座。淳于生所以大謔也。論云衆

聖老莊皆云有神明復何以斷其不如佛言答曰明有禮繼幽有鬼神聖王所以爲教初不昧其有也若果有來生報應周孔寧當緘默而無片言邪若夫嬰兒之臨坑凡人爲之駭怛聖者豈獨不仁哉又云人形至麤人神實妙以形從人豈得齊終答曰形神相資古人譬以薪火薪弊火微薪盡火滅雖有其妙豈有獨傳又云心之所感崩城隕霜白虹貫日太白入昴氣禁之醫冷煖輒應專誠妙感以受身更生七寶之土

何爲不可哉答曰崩城隕霜貫日入昴不明來生之譬非今論所宜引也又見水火之禁冀其能生七寶之鄉猶觀大冶銷金冀其能自陶鑄終不能亦可知也又曰有諦無諦此唱居然甚安自古千變萬化有俄然皆已空矣當其盛有之時豈不常必有空之實愚者不知其理唯見其有答曰如論云當其盛有之時已必有空之實然則卽物常空空物爲一矣今空有未殊而賢愚異稱何哉昔之所謂道者於形爲無形於

事爲無事，恬漠沖粹，養智怡神，豈獨愛欲未除，宿緣是畏，唯見其有，豈復是過，以此嗤齊侯，猶五十步笑百步耳。又云舟壑潛謝，佛經所謂見在不住，誠能明之，則物我常虛。答曰：潛謝不住，豈非自生人歟？自有入無之謂乎？故其言曰：有駭形而無損心，有且宅而無憤歎。賈生亦云：化爲異物，又何足患？此達乎歟生之變者也。而區區去就在生慮歟？心繫無量，志生天堂，吾黨之常虛異於是焉。又云：神光靈變，及無量之壽，皆

由誠信幽奇，故映其明。今沒於邪見，理固天隔。答曰：今亦不從慢化者求其光明，但求之於誠信者耳。尋釋迦之教，以善權救物，若果應驗，若斯，何爲不見其靈變，以曉邪見之徒？豈獨不愛數十百萬之說，而吝俄頃神光，徒爲化聲之辯，竟無明於真智，終年疲疫而不知所歸，豈不哀哉？又云：內懷虔仰，故拜禮悔罪，達夫無常，故情無所吝，委妻子而爲施，豈有邀於百倍？答曰：繁巧以興事，未若除貪欲而息競，遵戒以洗悔，未

若剪榮冀以全朴。况乃誘所尚。以祈利忘天屬。以要譽。謂之無邀。吾不信也。又云泥洹以無樂爲樂。法身以無身爲身。若誠能餐仰。則耽逸稍除。獲利於無利矣。答曰。泥洹以離苦爲樂。法身以接苦爲身。所以使餐仰之徒。不能自絕耳。果歸於無利。勤者何獲。而云獲於無利邪。此乃形神俱盡之證。恐非雅論所應明言也。又云。欲此道者。可謂有欲於無欲矣。至若啓導麗近者。有影響之實。亦猶于公以仁活致封。嚴氏以好殺

致誅。厲妙行以希天堂。謹五戒以遠地獄。雖有欲於可欲。實踐日損之塗。此亦西行而來郢。何患其不至。答曰。謂麗近爲啓導。比報應於影響。不亦善乎。但影響所因。必稱形聲。尋常之形。安得入萬由旬之影乎。所滯若有欲於無欲。猶是常滯於所欲。夫耳目姝司。工藝異業。未技所存。慮信不竝。是以金石克諧。泰山不能呈其高。鴻鵠方集。冥秋不能傳其旨。而欲以有欲成無欲。希望就日損。雖云西行去郢。滋遠如之。何又云

若身歿神滅，是物之真性，但當與周孔并力致教，何爲誑以不滅，欺以物理，使燒祝髮膚，絕其肆合，以盡傷性之美。答曰：華戎自有不同，何者？中國之人，秉氣清和，合仁抱義，故周孔明性習之教，外國之徒，受性剛弱，貪欲忿戾，故釋氏嚴五戒之科。來論所謂聖無常心，就物之性者也。徵暴之戒，莫苦乎地獄，誘善之勸，莫美乎天堂。將盡殘害之根，非中庸之謂。周孔則不然，順其天性，去其甚泰，姪盜著於五刑，酒辜明於周誥。

春田不圍澤，見生不忍歿，五犯三驅，釣而不網，是以仁愛普洽，澤及狔魚，嘉禮有常，俎老者得食肉，春耕秋收，蠶織以時，三靈格思，百神咸秩，方彼之所爲者，豈不弘哉！又甄供灌之賞，嚴疑法之罰，述蒲宰之問，爲勸化之本，演焄蒿之答，明來生之驗，祛服盱衡而矜斯說者，其處心亦悍矣。論又稱嘗隨尸梨之屬，神理風操，不在琳比丘後，足下旣明，常人不能料度，近事今何以了其勝，否於百年之前，數千里之外，邪若琳比。

丘者僧貌而天虛似夫深識真偽殊不肯忌經
護師崇飾巧說吾以是敬之孫興公論云竺法
獲之淵遠于法蘭之純博足下欲比中土何士
也及楚英之修仁寺竺融之調行饑寧復有清
真風操乎管在東邑有道含沙門自吳中來深
見勸警甚有懇誠因留三宿相爲說練形澄神
之緣罪福起滅之驗皆有條貫吾拱聽謹言申
且忘寢遑以爲士所以立身揚名著信行道者
實賴周孔之教子路稱聞之而未之能行唯恐
有聞吾所行者多矣何遽捨此而務彼又尋稱
情立文之制知來生之爲奢究終身不已之哀
悟受形之難再稱聖人我師周公豈欺我哉緣
足下情篤故具陳始末想耆舊大智誨人不倦
於此未默耳前已遣取明佛論遲尋至冀或朗
然於心何承天白

重答宗居士書

重告并省大論置陣如項籍既足下以賤漢祖
况弱士乎證譬堅明文詞淵富誠欲廣其利澤

施及凡民，深知君子之用心也。足下方欲影響以神其教，故宜緘默成人之美，但當爲外國之事，或非中華所務，是以有前言耳。果令中外宜同，余則陋矣。敢謝不敏，雖然猶有所懷。夫明天地之性者，不致惑于迂怪，識盛衰之運者，不役心於理表。儻令雅論不因善權，篤誨皆繇情發，豈非通人之蔽哉！未緣言對，聊以代面，何承天白。

答江氏問

問甲兒先以甲後凶，嫡孫傳重未及中祥，嫡孫又凶，有次孫，今當應服三年不
甲既有孫，不得無服。三年者，謂次孫宜持重也。但次孫先以制齋縗，今得便易服，當須中祥，乃服練居壁室耳。晉有問范宣云：人有二兒，大兒無子，小兒有子，疑於傳重，宣答小兒之子應服三年，亦粗可依。

頌

上白鳩頌 有表

宋文帝元嘉十八年八月庚午會稽山陰商世寶獲白鳩眼足並赤揚州刺史始興王濬以獻太子率更令何承天上表

謹考尋先典稽之前志王德所覃物以應顯是以玄扈之鳳昭帝軒之鴻烈。艷宮之雀徵姬文之徽祚。伏惟陛下重光嗣服永言祖武。洽惠和於地絡燭皇明於天區。故能九服混心萬邦含愛。員神降祥方祇薦裕。休珍雜沓景瑞畢臻。去

NATIONAL CENTRAL LIBRARY, TAIWAN, R.O.C.

七月上旬時在昧旦黃暉洞照宇宙開朗微風
協律甘液灑津雖朱晃現瑋於運衡榮光圖靈
於河紀茂以尚茲臣不量卑情竊慕擊轅有作
相杵成謳近又豫白鳩之觀目翫奇偉心懼盛
烈謹獻頌一篇野思古拙意及庸陋不足以發
揮清英敷讚幽旨瞻前顧後亦各其志謹冒以
聞

三極協情五靈會一理感冥符道實玄聖於赫
有皇先天配命朝景升躔八維同映休祥載臻

榮光播慶宇宙照爛日月光華陶山練澤是生
柔嘉回龍表粹離德合柯翩翩者鳩亦皎其暉
理翮台頌揚鮮帝畿淵匪德莫歸暮從儀鳳
棲閣廕闡烝哉明后昧旦乾乾惟德之崇其峻
如山惟澤之瞻其潤如淵禮樂四達頌聲遐宣
窮髮納貢九譯導言伊昔唐萌愛逢慶祚余生
既辰而年之暮提心命耄式歌王度晨晞承風
久漱甘露思樂靈基不遐有固

社頌

何復陽集 卷五
余以永初三年八月大社，聊爲此文，實惟陰祇，
稷爲穀先，率育萬類，協靈昊乾，霸德方將，世號
共工，厥有才子，寔曰句龍，稱物平賦，百姓熙雍，
唐堯救災，決河流江，棄亦播植，作乂萬邦，克配
二祀，以報蒸庸，勲庸伊何，厚載生民，倉廩旣寔，
禮節斯行人，亦有言因物思人，矧乃大德，功被
陶鈞，豈伊百世萬代不泯，蒸哉帝王，肇建皇極，
體國經野，設官分職，峨峨二社，剖榦比殖，歲云
其秋，晷漏均程，牲牢旣潔，嘉薦惟馨，乃家乃國，
是奉是尊。

釋奠頌

乃昔孔顏，夢周希虞，自天繇美，異代同符，經修
講治，研幾識理，道貴崇業，降尊尚高。

贊

天贊

軒轅改物，以經天人。容成造曆，大撓創辰。龍集有次，星紀乃分。

地贊

九州攸同，時惟禹跡。爰及後代，疆分里析。貢則屢遷，名猶不易。

國家圖書館, NATIONAL CENTRAL LIBRARY, TAIWAN, R.O.C.

詩

鼓吹鏡歌十五首

有序

宋書樂志曰鼓吹鏡歌十五首何承天晉義熙中私造

聲音抑揚精妙瑰瑋世亦不易言也

朱路篇

朱路揚和鸞翠蓋耀金華玄牡飾樊纓流旌拂
飛霞雄戟闢曠塗班劍翼高車三軍且莫喧聽
我奏鏡歌清鞞驚短簫朗鼓節鳴笳人心惟愷
豫茲音亮且和輕風起紅塵淳瀾發微波逸韻

騰天路，積響結城阿。仁聲被八表，威震振九遐。嗟嗟介冑士，勗哉念皇家。

思悲公篇

思悲公，懷袞衣。東國何悲公，西歸公。西歸流二叔，幼主既悟，偃禾復。偃禾復，聖志申，營都新邑。從斯民，從斯民，德惟明，制禮作樂，興頌聲。興頌聲，致嘉祥，鳴鳳爰集，萬國康。萬國康，猶弗已，握髮吐餐，下羣士。惟我君，繼伊周，親覩盛世，復何求。

雍離篇

雍士多離心，荆民懷怨情。二凶不量德，搆難稱其兵。王人銜朝命，正辭糾不庭。上宰宣九伐，萬里舉長旌。樓船掩江濱，駟介飛重英。歸德戒後夫，賈勇尚先鳴。逆徒既不濟，愚智亦相傾。霜鋒未及染，鄢郢忽已清。西川無潰鱗，北渚有奔鯨。凌威致天府，一戰夷三城。江漢被美化，宇宙歌太平。惟我東郡民，曾是深推誠。

戰城南篇

戰城南衝黃塵，丹旌電燄鼓雷震。勅敵猛，戎馬
殷橫陣。巨野若屯雲，仗大順，應三靈。義之所感，
士忘生。長劍擊，繁弱鳴。飛鏑炫晃，亂奔星。虎騎
躍，華旄旋。朱火延起，騰飛烟。驍雄斬，高旗塞。長
角浮，叫響清。天夷羣寇，殪逆徒。餘黎霑惠，詠來
蘇。奏愷樂，歸皇都。班爵獻俘，邦國娛。

巫山高篇

巫山高，三峽峻。青壁千尋，溪谷萬仞。崇巖冠靈
林，冥冥山禽夜響。晨猿相和鳴，洪波迅瀆載逝。

載停悽悽商旅之客懷，苦情在。咎陽允皇綱微，
李氏竊命，宣武耀靈威。蠢爾逆縱，復踐亂機。王
旅薄代，傳首來至京師。古之爲國，惟德是貴。力
戰而虐民，鮮不顛墜。矧乃叛戾，伊胡能遂。咨爾
巴子，無放肆。

上陵者篇

上陵者，相追攀。被服織麗，振綺紈。攜童幼，升崇
巒。南望城關，鬱盤桓。王公第，通衢端。高甍華屋，
列朱軒。臨澹谷，掇秋蘭。士女悠奕，映隰原。指營

丘感牛山爽鳩既沒景君歎嗟歲聿逝不還志
氣衰沮玄鬢班野莽宿墳土乾顧此纍纍中心
酸生歎亦何怨取樂今日展情歡

將進酒篇

將進酒慶三朝備繁禮薦嘉肴榮枯換霜霧交
緩春帶命朋僮車等旗馬齊鑣懷溫克樂林濠
士失志慍情勞思旨酒寄遊遨敗德人甘醇醪
耽長夜惑淫妖興屢舞厲哇謠形傿傿聲號呶
首旣濡志亦荒性命天國家亾嗟後生節酣觴
匪酒辜孰爲殃

君馬篇

君馬麗且閒揚鑣騰逸姿駿足躡流景高步追
輕飛冉冉六轡柔奕奕金華暉輕霄翼羽蓋長
風靡淑旂願爲范氏驅雖容步中畿豈效詭遇
子馳騁趣危機鈴陵策良駟造父爲之悲不怨
吳坂峻但恨伯樂稀赦彼岐山盜實濟韓原師
奈何漢魏主縱情營所私疲民甘藜藿廐馬患
盈肥人畜智厥養蒼生將焉歸

芳樹篇

芳樹生北庭，豐隆正徘徊。翠穎凌冬秀，紅葩迎春開。佳人間幽室，惠心婉以諧。蘭房掩綺幌，綠草被長階。日夕遊雲際，歸禽命同棲。皓月盈素景，涼風拂中闈。哀絃理虛堂，要妙清且淒。嘯歌流激楚，傷此頽人懷。梁塵集丹帷，微颺揚羅袿。豈怨嘉時暮，徒惜良願乖。

有所思篇

有所思，思管人。曾聞二子善養親，和顏色，奉昏

晨。至誠烝烝通明神，鄒孟軻爲齊卿，稱我身受祿，不貪榮，道不用，獨擁楹。三徒旣諄禮，義明飛鳥集，猛獸附，功成事畢，乃更聚，哀我生，遭凶閔，幼羅荼酷，備艱辛，慈顏絕，見無因，長懷永思，託丘墳。

雉子遊原澤篇

雉子遊原澤，幼懷耿介心。飲啄雖勤苦，不願棲園林。古有避世士，坑志青霄岑。浩然寄卜肆，揮棹通川陰。逍遙風塵外，散髮撫鳴琴。卿相非所

何復陽身 卷全
眇、何況於千金、功名豈不美、寵辱亦相尋、冰炭
結六府、憂虞纏胸襟、當世須大度量、已不克任、
三復泉流誠、自警良已深。

上邪篇

上邪下難正。衆枉不可矯。音和響必清。端景緣
直表。大化揚仁風。齊人猶偃草。聖王旣已沒。誰
能弘至道。開春湛柔露。代終肅嚴霜。承平貴孔
孟。正弊戾申商。孝公明賞罰。六世猶客昌。李斯
肆濫刑。秦民所以亾。漢宣隆中興。魏祖寧三方。
譬彼鍼與石。效疾而稱良。行葦非不厚。悠悠何
詎央。琴瑟時未調。改絃當更張。矧乃治天下。此
要安可忘。

臨高臺篇

臨高臺。望天衢。飄然輕舉凌太虛。攜列子。超帝
鄉。雲衣雨帶乘風翔。肅龍駕。會瑤臺。清暉浮景
溢蓬萊。濟西海。濯有盤。佇立雲嶽結幽蘭。馳迅
風。遊炎州。願言桑梓思舊遊。傾霄蓋。靡電旌。降
彼天塗頽窈冥。辭仙族。歸人羣。懷忠抱義奉明

何衡陽集 卷全
君任窮達，隨所遭，何爲遠想令心勞。

遠期篇

遠期千里客，肅駕候良辰。近命城郭友，具爾惟懿親。高門啟雙闥，長筵列嘉賓。中唐儼八佾，三廟羅樂人。簫管激悲音，羽毛揚華文。金石響高宇，絃歌動梁塵。修標多巧捷，九劍亦入神。遷善自雅調，成化繇清均。主人垂隆慶，羣士樂亾身。願我聖明君，遐期保萬春。

石流篇

石上流水，湍湍其波。發源幽岫，永歸長河。瞻彼逝者，歲月其偕。子在川上，惟以增懷。嗟我殷憂，載勞寤寐。邁此百罹，有志不遂。行年倏忽，長勤是嬰。永言沒世，悼茲無成。幸遇開泰，沐浴嘉運。綏帶安寢，亦又何愠。古之爲仁，自求諸已。虛情遙慕，終於徒已。

本傳

何承天東海郟人也。五歲喪父母，徐廣姊也。聰
明博學，故承天幼漸訓義。宋武起義，初撫軍將
軍劉毅鎮姑熟，板爲行參軍，毅嘗出行，而鄆陵
縣吏陳滿射鳥，箭誤中直帥，雖不傷人，處法棄
市。承天議徵罰可也。宋臺建，爲尚書祠部郎，與
傅亮共撰朝儀。謝晦鎮江陵，請爲南蠻長史，晦
進號衛將軍，轉諮議參軍，領記室。元嘉三年，晦
將見討，問計於承天，曰：「大小旣殊，逆順又異，境

外求全上計也。以腹心領兵戍義陽，將軍率衆於夏口一戰，若敗卽趨義陽，以出北境。此其次也。晦良久曰：「荆楚用武之國，且當決戰，豈不晚也。」及晦下，承天留府不從，到彥之至馬頭，承天自詣歸罪，見宥。後兼尚書左丞、吳興。餘杭人，薄道舉爲剡，制同籍，親補兵，道舉從弟代公道生等並爲剡。大功親非應在補，適之例，法以代公等母存爲期親，則子宜隨母補兵。承天議代公等母子並宜見原。承天爲性剛愎，不能屈意。

朝右，頗以所長侮同列，不爲僕射。殷景仁所平出爲衡陽內史，昔在西方，與士人多不協。在郡又不公清，爲州司所糾，被收繫獄，會赦免。十六年除著作佐郎，撰國史。承天年已老，而諸佐郎並名家，年少，潁川荀伯子嘲之，常呼爲奴母。承天曰：「卿當云鳳凰將九子，奴母何言邪？」尋轉太子率更令，著作如故。時丹陽溧陽丁況等久喪而不葬，承天議可勿問。十九年立國子學，以本官領國子博士，皇太子講孝經，承天與中庶子

顏延之同爲執經，頃之遷御史中丞，時魏軍南伐，文帝訪羣臣捍禦之略，承天上安邊論，凡陳四事，其一移遠就近以實內地，其二浚復城隍以增阻防，其三募偶車牛以飾戎械，其四計丁課仗，勿使有闕，文多不載。承天素好奕碁，頗用廢事，又善彈箏，文帝賜以局子及銀裝箏，承天奉表陳謝，上荅曰：局子之賜，何必非張武之金邪？承天博見古今，爲一時所重。張永嘗開玄武湖，遇古冢，冢上得一銅斗，有柄，文帝以訪朝士。

承天曰：此亡新威斗。王莽三公，皆賜之。一在冢外，一在冢內。時三台居江左者，唯甄邯爲大司徒，必邯之墓。俄而承又啓冢內，更得一斗，復有一石，銘大司徒甄邯之墓。時帝每有疑議，必先訪之，信命相望於道。承天性褊促，嘗對主者厲聲曰：天何言哉！四時行焉，百物生焉。文帝知之，應遣先戒曰：善候伺顏色，如其不悅，無須多陳。二十四年，承天遷廷尉，未拜，上欲以爲吏部郎，已密受旨，承天宣漏之，坐免官，卒於家，年七

十八，先是禮論有八百卷，承天刪減，并各以類相從，凡爲三百卷，并前傳雜語所纂文及文集，并傳於世，又改定元嘉曆，改漏刻，用二十五箭，皆從之。

宋何衡陽集終